

Danunder deriva il num HENDRY ?

Igl ei nuot auter che dueivel da s'empitschar dalla onomastica dil num HENDRY. Ei para che la schlatteina HENDRY hagi ina derivonza patronimica, quei vul dir d'in patrocini.

Il num savess vegnir neu da H a i m r i c h (tudestg vegl) u da H e i m r i c h (tudetsg mediaval), savess derivar è da H e i r i c h ni H a g e n r i c h che vul dir caucasa.

Dil reminent ei Heinrich: Prenum e schlatteina

Ils exempels suandonts documenteschan il prenum:

1322 Hanricus de Phesel (Peisel/Mustér)

1712 Henderi von Cadonau, Vuorz

Il prenum ei derasaus fetg ella entira Europa - e quei entras retgs ed imperaturs e l'aulta noblezia. Ordeifer la Svizra sedat il prenum sco suonda:

Engheltiara Henry (son)

Hollanda Hendrik

Spagna Enrique

Frontscha Henri

Italia Arrigo, Rigo, Rico

Damai che la gliued da pli baul scriveva buca schi bein u insumma buc - ein ils nums per gronda part dai vinavon mo a bucca; perquei vein nus differentas fuormas da scripziun:

Henry, Hendri, Hendrj, Hendrij

Händli, Hendrich

Dalla schlatteina HEINRICH derivan in entir tschuat fuormas:

Heini, Hennj, Hännny, Heinimann

Hennig, Hänngi, Henngi

Ed ei stat bein si per la detta ch'ins ha era fatg diever dil num europeic H e i n r i c h en tiara romontscha. Igl onn 1213 entra in A n r i c u s da Sursaxa (Sursaissa) sco conventual en la claustra da Mustér. La schlatteina A n r i c u s (era Anrich u Anrigg) ei sesviluppada differentamein sin igl intschess romontsch:

Engiadina: Andri ed Andry

En la vallada dil Rein anteriur: Anrisch, Candrisch, Denrisch, Caheinrich, Heinrighett, Righett, Raghett, Raghettli, Rigiet, Carigiet

Schebein H e r n i, documentau en Tujetsch dils 1664–1750, ei ina ulteriura fuorma veglia dalla schlatteina HENDRY - gliez ei buca lev da dir. En mintga cass eis ei da turnar a dir ch'ins hagi pronunziau mal ils nums da lezzas uras e che la scripziun ei semegliantamein stada leusunter. Ch'ins patratgi digl uestg Händli da Regensburg on Tiaratudestga.

A Breil ei Jacob Anrigg documentaus e quei igl onn 1536. La scripziun dat els eglis, a Breil ed en Tujetsch.

Il svilup dalla schlatteina HENDRY a Breil sedat d'impurtonza. Ils cudischs digl archiv dalla pleiv a Breil entscheivan cun l'annada 1625, pia all'entschatta dil gissiatavel tschentaner - pressapauc siatonta onns avon che en la Val Tujetsch. Naven dils anno 1625–1714 ein treis generaziuns dalla schlatteina HENDRY verificadas. Cun igl onn 1702 cala la registraziun dalla schlatta HENDRY. Ed igl ei da crer che las famiglias seigien mortas ora. Las indicaziuns nudadas lain supponer che la descendenza cun il

num HENDRY a Breil vevi ina certa beinstonza. Denter las persunas purtadas els cudischs sesanfla tuttina in Ludovici Jacum (1685) ch'ei staus statalter. Igl Jacobu (1651–1693) ha giu igl uffeci da salter ed ei semaridau cun Della Turre dil fendri Julianem. Igl exponent dalla schlatteina HENDRY a Breil ei il plevon Ludovicus HENDRY (1690–1766) staus, in beadi dil statalter Ludovici Jacum.

Mintgina dallas treis generaziuns HENDRY a Breil ei representada cun il prenum Ludovici (Duitg) che atesta ina confidanza da sesez - e suren in empusament encunter la aristocrazia dil liug (Della Turre cun ses prenums: Casper, Ludovici, Brigidam).

Ei lai crer che ina certa relaziun d'amicezia seigi stada avon maun denter las famiglias HENDRY da Breil e da Tujetsch. Enaquella che plevon Ludovicus (Ludivic) HENDRY da Breil stat perdetga da matrimonii en Tujetsch a:

28 da fevrer 1696

Joanem Herni

Julianam gion valentin

consolidescha el il fatg. Dalla vart dalla famiglia Herni stat Mathea Herni perdetga.